

Die Storie van My Lewe - "Dit stop by my"

Jou afkoms verduidelik baie van jou storie, maar dit hoef nie jou bestemming te bepaal nie. In Christus kry jy 'n nuwe identiteit, 'n nuwe familie en 'n nuwe toekoms.

Wat in my begin het, hoef nie deur my voort te gaan nie. Dit stop by my.

1. Ons almal erf 'n storie

Ons ontvang meer as net oogkleur, persoonlikheid en talente van ons familie. Ons erf ook patrone, gewoontes, vrese, seerkry, leuens en maniere van dink.

Belangrike vraag:

Watter dele van jou storie het jy nie gekies nie, maar dra jy steeds saam?

Selfondersoek:

- Wat was die sterkste boodskappe wat ek as kind gehoor het?
- Wat was normaal in my huis wat dalk nie gesond was nie?
- Watter vrese, gewoontes of reaksies sien ek vandag nog in my lewe?
- Waar lyk ek meer soos my familie se pyn as soos Christus?

2. Afkoms is nie noodlot nie

In die Bybel sien ons mense wat uit moeilike agtergronde gekom het, maar wie se storie deur God herskryf is.

Jy mag dalk uit 'n gesin kom waar daar:

- Woede was
- Verslawing was
- Afwesige ouers was
- Misbruik was
- Gebrokenheid was
- Geestelike onverskilligheid was

Maar God sê:

"As iemand aan Christus behoort, is hy 'n nuwe mens. Die oue is verby, die nuwe het gekom."
(2 Korintiërs 5:17)

Jou verlede mag jou gevorm het, maar dit hoef jou nie te definieer nie.

Selfondersoek:

- Watter verskonings maak ek op grond van my verlede?
- Waar glo ek nog dat ek "maar net so is"?
- Watter gedrag wil ek graag sien verander?

3. Wedergeboorte gee jou 'n nuwe begin

Toe jy tot geloof gekom het, het God nie net jou sondes vergewe nie.

Hy het:

- Jou Sy kind gemaak.
- Jou 'n nuwe identiteit gegee.
- Sy Gees in jou geplaas.
- Jou deel gemaak van Sy familie.

Johannes 1:12 "Maar aan almal wat Hom aangeneem het, dié wat in Hom glo, het Hy die reg gegee om kinders van God te word."

Ek is nie meer net die produk van my afkoms nie; ek is nou 'n kind van God.

Selfondersoek:

- Beskou ek myself meer volgens my verlede of volgens God se Woord?
- Watter etikette dra ek nog wat God nooit oor my uitgespreek het nie?
- Wat sê God oor my identiteit?

4. Vernuwing gebeur deur Skrifonderwerping

Wedergeboorte gebeur in 'n oomblik.

Vernuwing gebeur oor 'n leeftyd.

Romeine 12:2 "Laat God julle verander deur julle denke te vernuwe."

God verander ons deur:

- Sy Woord
- Die Heilige Gees
- Gehoorsaamheid
- Nuwe gewoontes

Jy verander nie deur harder te probeer nie; jy verander deur anders te dink.

Selfondersoek:

- Watter leuen oor myself glo ek nog?
- Watter waarheid uit God se Woord vervang daardie leuen?
- Watter nuwe gewoonte moet ek begin beoefen?

5. Die ketting breek hier

Elke geslag kry die geleentheid om te besluit:

"Ek gaan dieselfde storie herhaal" of "Dit stop by my."

Josua 24:15 "Maar ek en my huis, ons sal die Here dien."

Genesing begin wanneer iemand besluit om die patroon te breek.

Selfondersoek:

- Watter negatiewe patroon wil ek nie aan my kinders of ander oordra nie?
- Wat moet in my verander voordat dit deur my familie verander?
- Watter besluit moet ek vandag neem?

Praktiese Toepassing

Voltooi die volgende sinne:

1. Die storie wat ek geërf het, is _____
2. Die patroon wat ek wil stop, is _____
3. Die leuen wat ek nie meer wil glo nie, is _____
4. Die waarheid wat God oor my sê, is _____
5. Die eerste stap wat ek hierdie week gaan neem, is _____

Jou afkoms verduidelik jou beginpunt, maar Christus bepaal jou eindpunt.

Wat deur geslagte geloop het, kan deur God se genade by jou stop.

Die storie van jou lewe word nie deur jou verlede geskryf nie, maar deur die Een wat jou nuut gemaak het.